

www.BibleForChildren.org


Matiu 1



Muhi pangapang tepanim tehu ti Elisabet petiwa akaik,
Haeu talo tel engel Gabriel hani tehu taon Nasaret leili
Galili. I hakouta kakain hani tel hehin axan Mary i tai
engeeng kapi tel na wawan. I tel laha otei haniwen axoi
Josep, kahi nati tel masiwi *David.



Tel engel kakane Mary ukek, “Kum maamata, Haeu aile kola soliaian hani o. O hanatua tel akaik wawan. Na i takahawa, axaiwa axan Jises. I sohot tel seilon pate tuah ma pohe Haeu toi i ape laha axai i Nati Haeu. Haeu hana i tel masiwi ti teka Ju masin tel masiwi David, tetel Jises nakuama tetan. Ape i neini teka Israel ma i to Masiwi lian tehue.”



Mary kakane tel engel ukek, “Nga tai engeeng kapi tel na wawan, aile ape i sohot ukek ia?” Tel engel kak pahoi i ukek, “Ti pohe Haeu, Holi Spirit atuhi halihu o ape o pet akaik. I hani hatapo tupuan ailei puase Haeu ape laha axai i Nati Haeu.”



Muhin Mary nahih kosea hani tehu taon ti leili Judia he maunten. I nahih soh hani leili ingi Sakaraia ape i kak amuke Elisabet.

Ti Mary kakak tutuen, tel akaik leili tiai Elisabet pixewa. Ape Holi Spirit hanamiloa Elisabet kakain. Ape i kak eliel hani Mary ukek, “Haeu aile hasolia hani o, akulai lawe hehin liai. Tin i aile hasolia hani tel akaik na o hatakaha.”



Sale takahe Jises Krai.
Tel tinan Mary laha kilami
hani axoi Josep, tuahe imat
ti lalu sal, liai i petiwen akaik
ti pohe *Holi Spirit. Josep se
seilon sawisawin, i
watakai hahienai Mary
ti puli lawe seilon.
Aile ape i namilo
na i tua lioi
hakokol Mary.



Lokon ti i to nanamilo, tel *engel, spirit solian ti tel Masiwi Haeu, sohot hani i ti paxangongo, i ukek, “Josep, tel kahi nati David, kum maamata waxiai axoam Mary. Tel akaik he tian i pet ti pohe Holi Spirit. I hatakaha tel akaik wawan, o axaiwa axan Jises nake i awai seilon ti kawate saun lialun ti laha.”



Muhin ti Josep haiwa, i waxi Mary hanowi ti tel engel ti Haeu kaakane i. Tuahe Josep tai eng akati i hani tataen tel akaik takah. Ape Josep axai axan Jises.



Lokon ien Augustus tel masiwi tapein ti *Rom, hone teka unauan waxi hatapoi axe seilon ti Rom ma lawe xux hahitake ngahat ti Rom lehe i ttoi mongohe seilon towiai moni hani Rom.



Lawe seilon lua hani tone tamalaha hanai axalaha.



Aile ape Josep lua salili Nasaret leili Galili ape i nahih hani Betlehem leili Judia, taon tetehu tel masiwi *David takah. Josep lua hana axan ien nake i nakuama ti tel masiwi David. Josep hakahita hetekie Mary,



tel hehin laha
otei haniwen
axoan ape i hana ati
axalalu. Lokon ien Mary hoi i petiwen akaik.



Lokon ti lalu Betlehem,
taun tetan ti hatakahai tel
akaik.



Ien uli hatakahai akaik tetan. Tel akaik ien se wawan. I puxui he teik maia ape i hanopi hani leili tone ani manihuh nake leili ing ti tone solywa pate xuhan.



Ipong tehu ien hina seilon ngangahati sipsip xohixohin
Betlehem, tetesol ti kilan pahoah solian. Tel engel, spirit
solian ti Haeu, i take hahutuia hani lato
ape xewai Haeu i xeu

kakalini
lato. Pate
lato mamata.



Tuahe tel engel hone lato ukek, “Kum maamata! Nga
tahiakema *meng solian ti hamuamuai lawe seilon.
Hongoa! Ngain tetelao leili Betlehem,
tehu taon ti tel masiwi David
takah, tel
awaiakaha
i takahawen.”



“I awai kaha ti kawatan ti lialui woukaha. I *Krais tel
Masiwi, tetel Haeu taloma. Amuto paxai tioi tel akaik na
amuto tunahiwa i engeeng leili tone
ani manihuh pupuxua leili
maia.”





Tataen ien, kilan wanen engel ti Haeu take ulea hani kapi tel engel ien ape lato pak sameni Haeu ukek, “Haeu, tel tonan patul wanen, i pate tuah ma pate solian!”

I aile hasolia wasolakaha hani i ma wasole teka seilon i amumuke!”



Ti teka engel alia haniwa *tone Haeu, tesol ngahatai sipsip he kakak alia puki lato, “Kako nahih hani Betlehem lehe kako paxai waliko ti i sohotuen masin ti tel engel ti Haeu tel Masiwi kakanewen kako.”




Lato nahih kosea hani Betlehem ape lato tunahi Mary
ma Josep hetekie tel akaik i engeeng leili tone ani
manihuh. Ti tesol ngahatai sipsip ningahiwa tel akaik,
lato kaxi hani teka seilon waliko ti tel engel
kakanewen lato sale tel akaik
ien.



*Jises takah leili taon
Betlehem ti Judia,
lokon ti *Herod
masiwi. Lokon ien,
tesol seilon ti sai
angiha tahia
hani

Jerusalem. Lato aneso mumuh ti
kohot. Ape lato kamea, “Ia tetel
akaik i takahale masiwi tapein ti teka
*Ju? Amite ningahi tehu kohot
ti sai angiha i kola takahan
ape amite nahima lotuian.”



Ape Herod tiloi tesol soliwa ti angiha. I kamei hakokol lato lokon wanen ti tehu kohot sohot. Ape i talo lato hani Betlehem i ukek, “Amuto nahiwa ape puas nihehi upia aluini hawanewa tel akaik. Na amuto tunahi, hahongo aliakema nga lehe tin nga nahih lotui i.”



Muhi kakai Herod ape lato nahih. Ti lato luluainiwa, tehu kohot i sohot alia ape i to neneiniwa aweisalulato hani

tataen tesol tel akaik takah. Ti lato soh

haniwa leili ing, lato ningahi tel akaik ma tel tinan Mary. Lato lokuha lotui tel akaik. Lato

heiwa kakulato ape axi i waliko tuah: gol, sanda ma mer, paura tenen poun pate solian.



Ti leili paxangoalato Haeu hahongo lato ukek, “Kum alia hahani kapi Herod.” Ape lato non aweisal liai alia hani xuxulato.



Muhin ti tesol soliwa aliawa,
Josep i paxangong. Leili
paxangoan tel *engel ti Haeu
hone i ukek, “Xahatawa!
Waxiwa tel akaik ma tel tinan
ape ox haniwa Igip
nake Herod i upiup tel
akaik lehe i telei. Amuto
toa ien atengi tataen
na nga



hahongo aliakewa amuto.”



Josep xahat waxi tel akaik ma
tel tinan ti ipong tutuen ape
lato ox hani Igip. Lato to ien
atengi tataen Herod mat.
Waliko ien i sohot
hapoponowi hawane
waliko ti Haeu kaxiwen
leili pepai tel kuluiai
kakaian i ukek, “Nga
tiloi ahuti

tel Natuk ti Igip.”



Ti Herod tioiwa ka tesol soliwa
ti angiha pisiwen i, lon lialu
hawane. I hani kakain ahian ti
teleiai hatesol akaik wawan ti
Betlehem ma xux ti xohixohin,
akaik ti ahangun huohu hanima
itan. I usima menge tesol soliwa

ti angiha
ka
lato
ningahi



tehu kohot ahang
huohu tamusuen.




Muhi matei Herod, tel engel ti Haeu sohot hani Josep ti leili paxangoan lokon ti i Igip.

I ukek, “Xahatawa, waxiwa tel akaik ma tel tinan ape alia haniwa xux ti Israel pake teka lehe laha telei tel akaik ape laha matewen.”



Tuahe ti Josep hongoa Akilaus kewen totone tel taman
Herod masiwi ti Judia,
i mamata na i sosoa.
Haeu hone ulea i leili
paxangoan ka sos
haniwa



Galili texux xux
leili Israel. Ape Josep
aile tonalato tewau toan Nasaret. I
haponowia hawane kakai tesol kuluiai kakai
Haeu, lato ukek, “Laha axai i Nasarin.”



Ti lalape wawahen ti Haeu hani
hatesol seilon, i taloma telawe Natun
lehe teka laha soh tetan laha kum
selaia ti Haeu lian tehue. Laha uke
non tonain tuah kapin ti tap
tahi tapoan.



Rom 3:23 Se lawe seilon aile saun lialun. Nanahiakaha hatesol pate i tae haxawai axe Haeu.

Rom 6:23 Nameniwa ka kahi saun lialun se matemate. Tuahe teteka kako pakata hahawane kapi Jises Kraiss tel Masiwi ti kako, ti *lalape soliai Haeu i hani kako tonain kapin ti tap tahi tapoan.

Hibru 9:27 Mateakaha seilon tehue ape muhin Haeu kahui kaha usiusi sale woukaha.

Epesus 2:8,9 Salan wanen, ti *lalape soliai Haeu, Kraiss awai amuto ti kawatan ti lialui woumuto nake ti xoxoi namilomuto tetan kumahe ti soliai puasamoto. I aile ukek ien lehe tap tel ti kako sameni aliake i.



Rom 10:9,10 Aile ape tel na i kak matuha ka Jises se tel Masiwi tapein ma i soh hawane ka Haeu xahateniwen i ti matean, Haeu awai i ti kawatan ti lialui woun. Se salan wanen nake wasolakaha hani kapi Haeu i sawi na kaha soh hawane ti Jises Krais. Ape ti xoxoi namil ien, na kaha kak matuha ka i se tel Masiwi tapein, Haeu awai kaha ti kawatan ti lialui woukaha.

Jon 3:16,17 “Ti lalape wawahen ti Haeu hani hatesol seilon, i taloma telawe Natun lehe teka laha soh tetan laha kum selaia ti Haeu lian tehue. Laha uke non tonain tuah kapin ti tap tahi tapoan. Kumahe Haeu taloma tel Natun howiniaia seilon ma axialaha kawatan ti lialui woulaha. Haeu taloma i awaiaia seilon ti kawatan ti lialui woulaha.”



1 Jon 5:11-13 Waliko ti Haeu haxewa haniwen kako sale tel Natun, i pate tuah wanen. Haeu hani kako tonain kapin ti tap tahi tapoan nake ti puase tel Natun Jises. Aile ape tel na i pakata xox kapi tel Natun, i uke *tonain kapi Haeu ti tap tahi tapoan. Tuahe tel na i kum pakata kapi tel Natun, i kum uke tonain tenen ien kapi Haeu. Nga tai tesol waliko ien hani teteka amuto soh hawane ti Jises tel Nati Haeu lehe amuto tiori ka amuto ukewen tonain kapi Haeu ti tap tahi tapoan.



Matiu 1-2; Luk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Seimat NT (ssg) © 2012, Wycliffe Bible
Translators, Inc. All rights reserved.

<https://www.bible.com/bible/626/MAT.1>

©2025 Bible for Children, Inc.

www.M1914.org

www.bibleforchildren.org

